



Projekat za unapređenje sigurnosti na lokacijama za skladištenje municije i naoružanja u Bosni i Hercegovini (SECUP BiH)

OSCE Misija u Bosni i Hercegovini promovira i pruža pomoć za unapređenje upravljanja zalihama vojnog oružja, municije i eksploziva u BiH, u skladu sa najboljim međunarodnim praksama i standardima

Historijat

Bosna i Hercegovina je u decembru 2010. godine, u skladu sa OSCE-ovim Dokumentom o malom oružju i lakom naoružanju kao i OSCE-ovim Dokumentom o zalihama konvencionalne municije, tražila pomoć od OSCE Misije u Bosni i Hercegovini za unapređenje sigurnosnih i fizičkih uslova u skladištima Oružanih snaga BiH.

U junu 2011. godine je OSCE-ov tim za procjenu posjetio sve lokacije, te preporučio dvije lokacije za skladištenje naoružanja („Teufik Buza“ u Visokom i „Rabić“ u blizini Dervente) i dvije lokacije za skladištenje municije („Kula 1“ u blizini Mrkonjić Grada i „Krupa“ u blizini Pazarića) za unapređenje uz podršku OSCE-a.

Shodno tome, OSCE Misija u Bosni i Hercegovini je pokrenula projekat koji je fokusiran na unapređenje sigurnosnih standarda infrastrukture na ove četiri lokacije za skladištenje municije i naoružanja.

Projekat će zajednički provoditi OSCE Misija u Bosni i Hercegovini i Ministarstvo odbrane BiH, dok će EUFOR pružati stručni tehnički savjet i nadzor sigurnosnih aspekata provedbe projekta.

Cilj

Unapređenje sigurnosnih standarda infrastrukture na lokacijama za skladištenje municije i naoružanja u BiH čime se smanjuje rizik od širenja/proliferacije municije i naoružanja, kao i unapređenje standarda državne fizičke sigurnosti i upravljanja zalihama.

Budžet

Predviđeni budžet za projekat iznosi 438,560 Eura.

Sadašnji donatori za projekat su vlade Švicarske, Turske, Danske, Češke Republike i Lihtenštajna.



Provedbene Faze

Projektne aktivnosti su podijeljene u tri faze tokom perioda od 2013. do 2015. godine.

I Faza: Djelimična zamjena vanjske i unutrašnje ograde, postavljanje zaštitnih barijera za vozila, zamjena kapija i postavljanje odgovarajućih oznaka na sve četiri lokacije za skladištenje municije i naoružanja.

II Faza: Postavljanje protivprovalnog sistema i vanjske rasvjete na lokaciji za skladištenje municije „Krupa“.

III Faza: Postavljanje protivprovalnog sistema na lokacijama za skladištenje naoružanja „Teufik Buza“ i „Rabić“, i na lokaciji za skladištenje municije „Kula 1“.